

sein röhte mit dem Essige / distillier den  
Essig ab / vnd reib das Del hernach.

Ein ander Modus.

Nim Antimonum vier loth / Martis  
drey loth / Veneris ein loth / laß zusam-  
men fließen / vnd geuß in Regulum, Dies-  
sem Regulo setz zu / aber mählich / drey  
loth Eisen / ein loth Kupffer / geuß wider  
in Regulum, Diesem Regulo setz aber  
zu Antimonium vier loth / Martis drey  
loth / Veneris ein loth / geuß in gleichen zu  
einem Regulo. Dieses Königes nim  
acht loth / Mercurii sublimati vier loth /  
Salis armoniaci zwey loth / reibs klein /  
vnd sublimiers zusammen so offter / biß  
nichts mehr im sublimieren auffsteigen  
wil / darnach extrahier dieses mit distilla-  
liertem Essige / vnd zeugs ab usq; ad olei-  
tatem.

*Precipitatus Antimonii, vel  
vomitiuum.*

R. Antimoni pulverisati ℥. Tartari  
Calcinati optimi & puri ℥. anderthalb /  
die vermisch vntereinander / vnd laß sie  
wol